

խորժ ուսելոյ. բայց զի չէր ի տան անգր բաց ի գարեջրոյ, բրդեալ ի նա զհաց՝ կերի և առաւել զօրացայ: Ապա աղաչեցի զկարուական գտանել զկառ ի վարձու. և նա խրով կառու և ձիով մատոյց զինքն պատրաստ՝ հասուցանել ցաւանն Պուպոքով, երկու մղոնաւ հեռի անդուստ: Հասեալք ուրեմն անդ՝ գնացի ի տունն ուր օղեալն էի երբեմն, մինչ գնայի յայցելութիւն Սթանիսլավովու. և տանուտէրն Սթանիսլաւ և կինն Հեղինէ, ոչ գիտեմ որպէս՝ ծանեան զիս. և հիացեալք հարցին զպատճառն, և տեղեկացեալք գամենայն անցս՝ յարտասուս հարան. մինչ զի և ես փղձկեցայ: Աղաչեցին զի հանդիցէի յանկողնոյ իւրեանց, և արարի: Իբրև զարթեայ՝ տեսի պատրաստեցեալ զսեզան պէսպէս խորտկօք համեմեցելովք. կերի և արբի զմեղրաչաւուր ազնիւ յոյժ և համեղ, և զուարթացաւ սիրտս. և գոհացայ գնախախնամութենէն Աստուծոյ, որ յայնքանեաց նեղութեանց ազատեալ, առաւել զարժանն իմ մխիթարեաց. և եկեալ ի միաս բանն Սողոմոնի, Յորժամ ի քան սեղան հզօրաց ուսիցես, ևայն. խորհէի, թէ ուստի վճարեցէի զփոխարէն այնքանոյ մարդասիրութեան, զի մի զլօթի միայն մնացեալ էր առ իս: Յետ գոհանալոյն՝ ասեմ ցտանուտէրն. Սիրելի եղբայր, պակասեցաւ ինձ դրամ ծախուց. արա սէր, և տուր ինձ փոխ 15 զլօթայս. և զիտ կառ զի երթիցեմ մինչև Սթանիսլավով, և անդուստ վերառաքեցից քեզ զօհուութեամբ: Պատասխանեաց. Արարից պամենայն զոր ցանկայ անձն տեսունդ իմոյ. բայց ոչ կամէի թէ ի Սթանիսլավով, այլ ի Ռօհաթին գնայիր, որ հեռի է չորիւք մղոնօք. զի թէ խնդրակք եւս արձակիցէին զկնի, ոչ դիւրաւ դըտանէին՝ առնելովք զծիրն զայն: Ընկալայ զխրատն խոհեմ և շնորհակալ եղէ: Ել ուրեմն այրն, վարձեաց զկառն՝ հինգ զլօթայի. եգիտ և զերկուս ձիաւորս՝ որք տանէին, անդէն էին գնալոց. և եկն նոքօք, և յանձնեաց զիս նոցա, զի անվընաս հասուցանիցէին ի տեղին: Իբրև եղև ժամանակ գնալոյ, եկին այրն և կինն ընդ փոքու մանկան իւրեանց, ետուն զ'15 զլօթիսն, և ասն. Հայր սուրբ, զվարձ կառին վճարեցինք, և զայս զրամս շնորհեմք ի ծախս ճանապարհի. և օրհնեա զմեզ, զի զաւակք՝ զորս տայ մեզ Աստուած՝ մեռանին. թերեւս աղօթիւք քովք՝ զմինս զայս պահեսցէ Աստուած ժառանգ մեզ: Զարմացայ ընդ հաւատ նոցա. և օրհնեալ ըստ ցանկութեան իւրեանց՝ գնացինք:

Ի ճանապարհին հանդիպեցաք յաւանն Սթրէլիւքոյ, և յերեկոյին անագան հասինք յարտաքաղաքն Ռօհաթինու. և անդէն ի տան զրգակազմի ուրումն Ռուգի՝ Գասառուպեաք կոչեցելոյ՝ օթեցինք: Այլ սակաւ զանազանութիւն անցելոյ գիշերին պատահեցաւ, յանդիպաւորութենէ՝ ճանապարհին և ի վիրաց. առեցելոցն յառաջնումն աւուր ձիաւորութեան. որ և զբոլոր գիշերն աքուն անցուցի տապիւ մեծաւ. թէ և ի տոնտիկնոջն զժասիրաբար տաճիցէի, որ ընդ իս աքնիւր և մայրաբար աղէխարչիւր:

13. Ի շաբաթոյ առաւօտու զառաւել շերմութիւն զգացեալ ի տքնութենէ և ի ցաւոց վիրացն, գուցէ ի մեծագոյն ախտ անկանիցէի յանդիպաւորութենէ. առաքեցի զպատաւորն՝ որոնել ի քաղաքէն զօթեան, կամ ի հո-